

bekentnisse vnde sicherheit habe ich Conrad myn ingesigil an diessen briff lassen hengin, des wir beide uff dis mál gebruchin, der ggebin ist nach Cristi gebort thusint iar vierczenhundirt iar, darnach in dem sechczenden iare an sente Agnißen tage der heyligen mertererynnen.

Nach dem Orig. im Staatsarchiv zu Meissen mit dem Siegel Conrads von Weissenbach (Stierkopf) an einem Pergamentstreifen.

No. 890. 1416. 10. Febr.

*Vincentius Busman zu Gorbitz verkauft an das Capitel verschiedene Zinsen zu Cotta und Pennrich.*

Ich Vincencius Busman zcu Gorewicz<sup>a)</sup> gesessin bekenne in dissem mynem offen brieffe vor mich vnde alle myne erbin, daz ich mit wolbedachtem muthe, willen vnde vorrathe vnde gunst myns gnedigen hern, hern Rudolfs bisschofs zcu Missin, recht vnde redelichin vorkouft habe den ersammen techande vnde ganczem capittle der kirchin zcu Missin vir schog zebinvndeczwenczig grosschin vir hellere, zebindehalbin scheffil korns, zebindehalbin scheffil hafirn, virczehen kese, zebinvndeczwenczig hunre, fumff schog vnde fumf eyire gelegin yn deme dorffe Penerik<sup>b)</sup> yn der pflege zcu Dresden, vnde dry schog grosschin vnde eylff scheffil korns gelegen zcu Kottaw<sup>c)</sup> yn deme gerichte zcu Bresenicz, die ich zcu lehen gehabt habe von mynem gnedigen hern deme bisschoffe, vnde habe en die gegeben vmbe hundirt zebinvndeczwenczig schog acht hellere sulchir muncze, der virvndeczwenczig eynen guten Vngarischen goldin machin, ye daz schog geldis zcu rechin zcu virczehen schogken, vsgeslossen hunre vnde eyire die yn deme kouffe mitte yngehen. Der selbien summe geldis sie mich bereyt gancz vnde gar mit gereytem gezaltem gelde nuczlichin bezalt habin, die ich ouch an mynen kuntlichin nucz gewand habe, der selbien summe geldis ich sie ouch quiet ledig vnde loz sage mit dissem brieffe; die selbien czinse vnde gutere hirnach namhofftig geschrebin stehen: yn deme dorffe Penerik Hans Brendel had andirhalbe hufe vnde eynen garten, dovon her ierlichin uff Michaelis czinset virvndrisig gr., eynen halben scheffil korns, einen halbin scheffil hafir, drittehalbin kese vnde ye vor den kese eynen gr., fumftehalb huen vnde uff ostern fumfzig eyire; Nigkil Brendil had eyne hufe vnde eynen garten, dovon her ierlichin uff Michaelis czinset sechzenhin gr., eynen scheffil korns, eynen scheffil hafir, eynen kese, czwey hunre, uff ostern czwenczig eyire; Hans Runcze had eyne hufe, dovon her uff Michaelis czinset nunczehen gr. vnde sechs heller, fumff virteil korns, fumff virteil hafir, eynen kese, czwey hunre vnde uff ostern fumfczehen eyire; Hans Korpaczsch had eyne hufe, dovon her czinset uff Michaelis czweyvndrisig gr., eynen kese, czwey hunre, uff ostern czwenczig eyire; Hans Knut had czwu hufen, dovon her uff Michaelis czinset virzig grosschin, eynen scheffil korns, eynen scheffil hafir, czwene kese, virdehalb huen vnde uff ostern fumfundrisig eyire; Fredeman had andirhalbe hufe, dovon her czinset uff Michaelis virvndeczwenczig gr. vir hellere, andirhalben kese, dry hunre, andirhalbin scheffil korns, andirhalbin scheffil hafir vnde

a) Gorbitz (Niedergorbitz), Par. Briessnitz. b. c) Cotta und Pennrich, ders. Par.  
 COD. DIPL. SAX. II. 2.